

SANITÉ: En sostituziun dla doturia Grete Mahlknecht él dai 8 ai 12 d'agost le dotur Aldo Marcocci che vëgn te so ambulatorio a San Martin: en lönesc dales 10.00 ales 12.00, en dedolönesc dales 16.00 ales 19.00, en jöbia dales 9.00 ales 11.00. Por le rest dl tēmp él da abiné por tel. 338 72 80 518.

SAN MARTIN

Les families vëgn dër bel invades da porté en Santa Maria dal Ciüf sciöch'al é usanza le cëst cun erbes y bel inforní cun ciüfs a benedí. I orun tigní alalt chësta bela festa en onur de Santa Maria tuta sö a cil.

LUNGIARÜ

Les Ëres dla Uniun di Seniors tl SBB, Grup dl pasc da Lungiarü, liëia de pici strausc, i porta a benedí en Santa Maria dal Ciüf y i partësc fora do Mëssa ala jënt. I ti dijun bele danperfora n gran dilan.

La Uniun dles Ëres da Lungiarü organisëia cun le sostëgn dl Consëi de Formaziun le referat "Smendri le refodam te ciasa cun vijuns nöies" cun Giulia Moling en jöbia ai 11.08.2022 dales 19.00 ales 21.00 tl salf dl paisc "Giovanni Costa". Prenotaziuns tres whatsapp pro Giulia 347 58 60 697.

La Biblioteca Sas dla Crusc inviëia en dedolönesc ai 9 d'agost dales 15.30 tla biblioteca a San Martin a n domisdé cun stories, pastelné y jüc por mitans y mituns dla scora elementara.

Le Sorvisc ai Jogn pîta, en colauraziun cun l'Istitut Ladin Micurá de Rû, dai 22 ai 26 d'agost n „Curs por s'arjigné ca al ejam de trilinguism“. Tó pert pó vigni jonn y vigni jona da 16 a 30 agn. L'orar é tres dales 19.30 ales 21.00 y le cost é de 20 €. Iscriziuns cina ai 15 d'agost sot a www.proiec.org

ASSOZIAZIUN TURISTICA

Lungiarü ai 10 d'agost, mercui, dales 21.00: Bal Popolar tla plaza dla scora

S. Martin ai 11 d'agost, jöbia, dales 21.00: Concert dla Musiga sön le paiun

La Musiga da San Martin inviëia la comunité ala Festa alaleria ai 14 y 15 d'agost sön plaza de paiun a San Martin:
ai 14 dales 18.30: daurida dla festa cun poscibilité de cëna y intratenimënt musical cun Oswald Verginer - ai 15 dales 09.30: mëssa solëna te dlijia y dedô matiné cun liagnes blances y Armin Dasser cun i orghi da man dales 15.30: concert dla Böhmische "Sunnberg Musikanten" y dales 18.30: musiga da bal cun "Odlessound". Al sará ince jüc por mituns!

Döt le bun a chi che complësc i agn d'agost

Pro chi da San Martin él gnü lascé fora adinfal Vijo Unterweger che nen complësc 88 ai 24 d'agost; ince a Vijo döt le bun!



Plata dles Ploanies San Martin y Lungiarü

ploan siur Klaus Sottas 344 15 54 055 - klcottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



07.08. - 14.08.22 n. 37

ultimo termo por comunicaziuns: jöbia, dales 20.00

<https://www.valbadiaonline.it>

19ª DOMÈNIA IA POR L'ANN C

Vangele do Lûca 12,32-48

Te chël tēmp à Gejù dit a sù discepu: No te temëi, tō pice pastorëc!
Deache osc Pere s' à tut dant de ves dè le règn. Venede osc avëi, y dedi le vadagn ai püri! Fajësse tacuins che ne se scherza nia. Arjignësse n tesur che ne vëgn nia mënder tl cil, olache degun lere ne le ciafa y degöna terma ne le mangia sö. Deache, olach'al é osc tesur, dailò é ince osc cör. Ne stede a ves despié osta cintöna, y lascede verde ostes löms. Sëise sciöche chi che aspeta so patrun, che vëgn a ciasa dala noza, y che ti deura pornanch'al tlócora. Beâc i fané, ch'al ürt muntri canch'al vëgn. ... Y sc'al vëgn pormò dala secunda o dala terza verda de nôt y i ürtia ciãmò muntri – beac ési.



*Tl vangele da incö nen vâra de atenziun, de fedelté y de liberté;
chëstes virtus ti stô dër a cör a Gejù.*

*Sc'i stá munter y mëti averda, chël me dëida vire y tó mia vita tles mans,
chël me dëida ince da controlé mi pinsiers y sentimënc y da capí a ci ch'i sun lié.
"Olach'al é osc tesur, dailó él ince osc cör." Aldefora dla fede m'intëni ch'i sun gonot lié a tröpes d'atres cosses che me tēgn tles ciafes y me condizionëia.*

Co stâra pa cun mia fedelté che vëgn tres indô metüda ala proa, canch'i me stüfi y mëssi aspeté massa dî, sc'i ne sun nia bun da odëi tler coch'ara dess jí inant y perdi le travert fora di edli, sce mi sforç n'ó nia porté früt?

Te ci chiri pa mia liberté? Gejù aconsiëia da lascé ia sigurtés: "Venede osc avëi, arjignësse tesurs che vel ince tl cil." Chësc é dessigü vaghé. Mo propi tl lascé ia stâl la liberté impormetüda, al nes tol la tēma y nes deura l'odlada por n travert che é plü gran. "No te temëi ... Idî s' à tut dant da nes dé le règn dl cil." Image

EDEMA	SAN MARTIN	LUNGIARÜ	
07.08.22 19^a Domènia ia por l'ann C Domènia dla Porziuncula	9.00 Corona do vocaziuns 9.30 Gran Mëssa por la Comunité en onú de San Francësch d'Assisi en onú di sanc Arcagnui y Agnui Custodi + + geniturs Prousch-Perathoner Benedisciun dl tëmp	7.50 Corona 8.15 Gran Mëssa por la comunité Benedisciun dl tëmp 15.00 Corona tla capela S. Ojöp Fr.	 FEDE - n'é nia n avèi sigü "I crëii te Dî" chësc se lascia saurí dí tla comunité abinada te dlíjia olache mia usc vëgn acompagnada da tröpes d'atres. Bindicé dessi me damané: Ci mini pa iö cun mia profesciun de fede? Olá vëgn pa dant Idî te mia vita da vignidé? É Idî val' deplü co la ultima istanza, da chëra ch'i vá ma sc'al né plü nia d'ater che joa? É Idî por me important tles dezijiuns de mia vita? Mëti man da bazilé sc'i vëgni damané do mia fede? Vignun/öna che se lascia ite sön la fede gnará sura che la fede n'é nia n avèi sigü ch'an á por tres. Fede é vire te n raport basé sön fidënza y confidënza, tormenté da dübi, metü ala proa da delujiuns, che pó diventé öt cun l'usanza. <i>dal Sonntagsblatt</i>
08.08.22 Lönesc <i>Domëne, Ziriach</i>			
09.08.22 Dedolönesc <i>Edith Stein, Roman</i>	19.00 Mëssa + Ida Rubatscher Erlacher (dla Uniun) + + + Hermann, Zilia y Hilda Prousch		
10.08.22 Dedemesaledema <i>Laurënz, Astrid, Filomena</i>		7.30 Mëssa + + Sisto y Tî Clara por les Püres Animes	
11.08.22 Jöbia <i>Clara d'Assisi, Susana</i>	7.30 Mëssa vis y def. dla fam. Antonia Dasser, Alfur Corona por vocaziuns		
12.08.22 Vëndres <i>Giovanna Franzisca da Chantal</i>	18.30 Devoziun chîta 19.00 Devoziun deboriada	7.30 Mëssa defunc dl Mair	
13.08.22 Sabeda <i>Iaco Gapp, Ciascian, Ipolit</i>	20.00 Mëssa prefestia fam. Teresa Pedevilla dl ann + Pia Trebo + Loise Federa vëd. Pedevilla	18.30 Mëssa prefestia + + Agnese y Vinzenz Clara + Rudi Moling + Marino Clara + Veneranda Schanung Clara	
14.08.22 20^a Domènia ia por l'ann C	9.00 Corona 9.30 Gran Mëssa por la Comunité + Martin Dasser, Alfur + + + Nane, Arcangel y Monica Zingerle Benedisciun dl tëmp	7.50 Corona 8.15 Gran Mëssa por la comunité Benedisciun dl tëmp 15.00 Corona tla capela S. Ojöp Fr.	